

МХБХ-ны Зөвлөлийн
2024 оны 03 дугаар сарын 01-ний
өдрийн *...* тоот тогтоолоор батлав.



МЭРГЭЖЛИЙН ТЭМЦЭЭН ЗОХИОН БАЙГУУЛАХ ЖУРАМ

2024 он

АГУУЛГА

Нэг. Нийтлэг үндэслэл
Хоёр. Мэргэжлийн тэмцээнүүд
Гурав. Тэмцээн зохион байгуулалт
Дөрөв. Тэмцээний бүртгэл
Тав. Тэмцээний дүн гаргалт
Зургаа. Лигээс унах ба дэвших
Долоо. Тэмцээний шагнал, урамшуулалт
Найм. Бусад зүйл

НЭР, ТОМЬЁОНЫ ТАЙЛБАР:

Дор дурдсан нэр томъёог дараах утгаар ойлгоно. Үүнд:

1. ОУХБХ – Олон Улсын Хөлбөмбөгийн Холбоо;
2. АХБХ – Азийн Хөлбөмбөгийн Холбоо;
3. МХБХ – Монголын Хөлбөмбөгийн Холбоо;
4. Тоглолтын дүрэм – FIFA Laws of the Game/ FIFA Futsal Laws of the Game;
5. FIFA Connect систем – ОУХБХ-ны тоглогчдын бүртгэлийн систем;
6. FIFA TMS систем;
7. Клубын албаны хүн – Дасгалжуулагч, эмч, менежер, эзэн, захирал;
8. Мэргэжлийн клуб - ОУХБХ-ны “FIFA Connect” системд бүртгэлтэй АХБХ-ны клуб лицензийн журмын шалгуур үзүүлэлтийг хангасан клуб;
9. Лигийн зөвлөл – МХБХ-ны Лигийн тэмцээний зохион байгуулалт, үйл ажиллагааг хянах, шийдвэр гаргах замаар мэргэжлийн хөлбөмбөгийг хөгжүүлэх, сурталчлах зорилго бүхий лигийн клубууд болон оролцогч талуудаас бүрдсэн зөвлөл.

Нэг. Нийтлэг үндэслэл

- 1.1. Энэхүү журмаар МХБХ-ны мэргэжлийн тэмцээнүүдийг зохион байгуулах үйл ажиллагааг зохицуулна.
- 1.2. Энэхүү журмын зорилго нь Монгол Улсад хөлбөмбөгийн тэмцээнийг стандартын дагуу системтэй, тогтвортой зохион байгуулах замаар мэргэжлийн түвшинд хөгжүүлэхэд оршино.
- 1.3. Мэргэжлийн хөлбөмбөгийн тэмцээнүүдэд /цаашид “Тэмцээн” гэнэ/ зохион байгуулагч, бусад оролцогч талуудад мэргэжлийн шалгуур үзүүлэлтүүдийг хангах зарчим баримтална.

Хоёр. Мэргэжлийн тэмцээнүүд

- 2.1 Дараах тэмцээнүүд нь мэргэжлийн тэмцээнд хамаарч, энэ журмын дагуу зохицуулагдана. Үүнд:

Хөлбөмбөгийн төрөлд:

- 1) Үндэсний “Дээд Лиг”
- 2) МХБХ-ны Цом
- 3) Супер Цом – Нэг тогтолт /Хэрэв лигийн болон цомын аварга багаар нэг баг тодорсон тохиолдолд лигийн аварга багтай лигийн дэд байрт шалгарсан баг тоглоно./
- 4) Эмэгтэйчүүдийн Лиг
- 5) Эмэгтэйчүүдийн МХБХ-ны Цом
- 6) Эмэгтэйчүүдийн Супер Цом – Нэг тогтолт /Хэрэв лигийн болон цомын аварга багаар нэг баг тодорсон тохиолдолд лигийн аварга багтай лигийн дэд байрт шалгарсан баг тоглоно./

Футзалын төрөлд:

- 1) Үндэсний Дээд Лиг
 - 2) МХБХ-ны Цом
 - 3) Супер Цом - Нэг тогтолт /Хэрэв лигийн болон цомын аварга багаар нэг баг тодорсон тохиолдолд лигийн аварга багтай лигийн дэд байрт шалгарсан баг тоглоно./
 - 4) Эмэгтэйчүүдийн Лиг
- 2.2 Дээр дурдагдаагүй бусад тэмцээнүүдэд энэ журам үйлчлэхгүй.

Гурав. Тэмцээний зохион байгуулалт

- 3.1. МХБХ нь хөлбөмбөг болон футзалын төрөлд мэргэжлийн түвшний лиг, шигшээ тэмцээн, эрхийн төлөөх тэмцээнүүдийг зохион явуулна.
- 3.2. МХБХ-ны “Тоглогчийн шилжилт хөдөлгөөний цонх” дараах хугацаанд үргэлжилнэ. Үүнд:
 - Хөлбөмбөг болон футзалын улирлын өмнөх солилцооны цонх жил бүрийн **07 дугаар сарын 04**-ний өдөр эхэлж, **08 дугаар сарын 15**-ны өдөр 17:00 цагт хаагдана.
 - Хөлбөмбөг болон футзалын улирлын дундах солилцооны цонх жил бүрийн **02 дугаар сарын 01**-ний өдөр эхэлж, **02 дугаар сарын 28**-ны өдөр 17:00 цагт хаагдана.

Хэрэв солилцооны цонх хаагдах өдөр амралтын өдөр таарсан тохиолдолд дараагийн ажлын өдрийн 17:00 цагт хаагдана.

- 3.3. Мэргэжлийн тэмцээний тоглолтыг МХБХ-ны тоглолт зохион байгуулагчийн шалгуурыг хангасан хүн зохион байгуулна.
- 3.4. Тэмцээнд шүүгчийн шийдвэр эцсийнх байна.
- 3.5. Тэмцээнд ажиллах дасгалжуулагчийн үйл ажиллагааг “Дасгалжуулагчид тавигдах шаардлага”-аар /Хавсралт 1/ зохицуулна.
- 3.6. Клуб нь дасгалжуулагчтай хийсэн гэрээ болон гэрээнд өөрчлөлт оруулсан тохиолдолд тус өөрчлөлтийг Тэмцээн зохион байгуулах хэлтэст шинэчлэн бүртгүүлнэ. Гэрээгүй дасгалжуулагчийг тэмцээнд оролцуулахгүй.
- 3.7. Лигийн тэмцээнд байнгын үйл ажиллагаатай мэргэжлийн клубүүд оролцно.
- 3.8. Хөлбөмбөгийн болон футзалын төрөлд клубыг төлөөлж зөвхөн нэг баг оролцно.
- 3.9. Мэргэжлийн клуб нь МХБХ-ны энэхүү журам болон бусад холбогдох дүрэм, журам, заавартай сайтар танилцаж, тэдгээрийн шаардлагыг зайлшгүй биелүүлсэн нөхцөлд тэмцээнд оролцох эрх эдэлж, үүрэг хүлээнэ.
- 3.10. Тэмцээний зааврыг тухайн тэмцээн эхлэхээс 60-аас доошгүй хоногийн өмнө гаргана.
- 3.11. Тэмцээний зөвлөгөөн болон сугалааг тэмцээн эхлэхээс 30-аас доошгүй хоногийн өмнө зохион байгуулна.
- 3.12. Тэмцээний зөвлөгөөн нь тухайн тэмцээний сугалаа, тоглолтын хувцасны өнгө тодорхойлох болон тэмцээний заавартай холбоотой нэмэлт мэдээлэл өгөхөд оршино.
- 3.13. Тэмцээний онцлогоос хамаарч зөвлөгөөн болон сугалааг онлайн хэлбэрээр зохион байгуулж болно.
- 3.14. Тэмцээний зөвлөгөөний үеэр зааварт тусгасан заалтууд дээр ямар нэгэн өөрчлөлт оруулахгүй.
- 3.15. Тэмцээнд оролцох клубүүд МХБХ-ны “Тоглолтын хувцас, хэрэглэлийн журам” болон Тоглолтын цагийн хуваарь (Хавсралт 2)-ийг дагаж мөрднө.
- 3.16. Тэмцээнд оролцож буй нийт клуб, тоглогчид, хөлбөмбөгийн спортыг эвсэг, нөхөрсөг, шударга, сонирхолтой байлгахын төлөө “FAIR PLAY” зарчмыг тэмцээний турш мөрдөх үүрэгтэй.
- 3.17. 20 хүртэлх насны тоглогч нь талбайд гарч хагас үеэс дээш хугацаанд тоглосон тохиолдолд хамгийн багадаа хоёр хоногийн дараа дараагийн тоглолтод оролцох эрхтэй.
- 3.18. Футзалын тэмцээнд 3.17 заалт үйлчлэхгүй.
- 3.19. Клубын хүсэлтийг үндэслэн лигийн зөвлөлийн шийдвэрээр тоглолтын хуваарьт өөрчлөлт оруулах тохиолдолд хамгийн багадаа 72 цагийн өмнө хамааралтай клубүүд болон бүх оролцогч талуудад мэдэгдсэн байна.
- 3.20. Тоглолтын өмнө болон дараа тэмцээнд оролцогч багийн дасгалжуулагч, багийн ахлагч болон сонгогдсон тоглогч хэвлэл, мэдээллийнхэнд ярилцлага өгнө.

- 3.21. Тоглолтын талбайн хэмжээ, үргэлжлэх хугацаа “FIFA Laws of the Game”-н дүрэмд зааснаар байна.
- 3.22. Тоглогчдын тоо хөлбөмбөгийн төрөлд 7, футзалын төрөлд 3 хүрээгүй тохиолдолд тоглолтыг цуцалж, хөлбөмбөгийн төрөлд 3-0, футзалын төрөлд 5-0 гэсэн техникийн ялалтыг эсрэг багт олгоно.
- 3.23. Дасгалжуулагч тоглолтод ирээгүй тохиолдолд тоглолтыг цуцалж, эсрэг багт хөлбөмбөгт 3-0, футзалд 5-0 дүнгээр техникийн хожил олгоно.
- 3.24. Хөлбөмбөгийн тоглолтын явцад аливаа шалтгаанаар дасгалжуулагчгүй (багийн менежер, эмчид хамаарахгүй) болсон тохиолдолд тухайн баг нь сэлгээ хийх эрхгүйгээр тоглолтыг дуусгана.
- 3.25. Футзалын тоглолтын явцад аливаа шалтгаанаар дасгалжуулагчгүй (багийн менежер, эмчид хамаарахгүй) болсон тохиолдолд тухайн баг нь завсарлага авах эрхгүйгээр тоглолтыг дуусгана.
- 3.26. МХБХ-ны тэмцээний үеэр Тэмцээн зохион байгуулах хэлтэст хандсан хүсэлт, гомдлыг тоглолт дууссан цагаас хойш хоёр цагийн дотор зөвхөн бичгээр хүлээн авна. Тоглолтын шүүлттэй холбоотой аливаа гомдлыг хүлээж авахгүй.
- 3.27. Мэргэжлийн тэмцээнд (лигт) тоглогч эсвэл багийн албаны хүн 3 шар хуудсаар торгуулсан тохиолдолд дараагийн тоглолт өнжинө.
- 3.28. Тоглогч болон албаны хүн МХБХ-ны тэмцээнд сахилгын шийтгэл авсан тохиолдолд хугацаа харгалзахгүй бүх мэргэжлийн тэмцээнд хүчинтэй тооцогдоно.
- 3.29. МХБХ-ны Тэмцээн зохион байгуулах хэлтэс нь энэхүү журмаар зохицуулагдахгүй асуудлуудыг МХБХ-ны холбогдох хороодод шилжүүлнэ. МХБХ-ны эрх зүйн баримт бичгүүдэд тусгагдаагүй аливаа асуудлуудыг шийдвэрлэхдээ ОУХБХ болон АХБХ-ны эрх зүйн баримт бичгийг дагаж мөрдөнө.

Дөрөв. Тэмцээний бүртгэл

- 4.1 Мэргэжлийн тэмцээнүүдийн төрлөөс шалтгаалан клуб лицензжүүлэх дараах шаардлагууд тавигдана. Үүнд:
- Дээд лигийн клубүүдэд “МХБХ-ны клуб лицензжүүлэх журам”
 - Футзал болон Эмэгтэй клубүүдэд “МХБХ-ны клуб лицензжүүлэх журам”-ын тодорхой шаардлагууд хангасан байна.
- 4.2 Клуб лицензжүүлэхтэй холбоотой асуудлыг “МХБХ-ны Клуб лицензжүүлэх журам”-аар зохицуулна.
- 4.3 МХБХ-ны тэмцээнд гадаад болон Монгол тоглогчийг МХБХ-ны “Тоглогчийн статус ба шилжилт хөдөлгөөний журам”, “FIFA Connect” болон “FIFA TMS систем”-ийн дагуу материалыг бүрдүүлж, бүртгүүлснээр оролцуулах эрхтэй болно.
- 4.4 Тэмцээнд оролцох клуб нь дараах шаардлагыг хангасан мэдүүлэг /Хавсралт3/ болон холбогдох бичиг баримтуудыг хавсарган зааварт тусгасан хугацаанд өгч бүртгүүлнэ. Үүнд:

- 1) Овог, нэр;
- 2) Регистрийн дугаар;
- 3) Цээж зураг /сүүлийн зургаан сарын хугацаанд авхуулсан/;
- 4) Хувийн дугаар;
- 5) Клубын баталгаат тамга, гарын үсэг;
- 6) Клубын харилцах цахим хаяг;
- 7) Холбоо барих утасны дугаар;
- 8) Эрүүл мэндийн үзлэгт хамрагдаж эрүүл мэндийн хуудас /Хавсралт 4/;
- 9) Дасгалжуулагч болон тоглогч нарын клубтэй хийсэн гэрээ;
- 10) Тэмцээнд оролцох баг үндсэн /эзэн/ ба туслах /зочин/ хувцасны өнгийг хавсаргаж ирүүлнэ /Хавсралт 5/.

4.5 Тэмцээний мэдүүлгийг Тэмцээн зохион байгуулах хэлтсээс шалгаж, зөрчил илэрсэн тохиолдолд тэмцээний зөвлөгөөнөөс өмнө бүрэн арилгуулсан байна.

4.6 Мэргэжлийн хөлбөмбөгийн тэмцээнд оролцох багийн мэдүүлэгт бүртгүүлэх тоглогчдын тоо **18-50**, харин футзалын тэмцээнд оролцох багийн мэдүүлэгт бүртгүүлэх тоглогчдын тоо **14-25** байна.

4.7 Мэргэжлийн тэмцээнд 16 нас хүрсэн тоглогч /төрсөн сар, өдрөөр тооцно/ тоглохыг зөвшөөрнө. Төрсөн өдрийг албан ёсны бичиг баримт буюу төрсний гэрчилгээ, иргэний үнэмлэх болон гадаад паспортыг үндэслэн тогтооно.

4.8 МХБХ-ноос зохион байгуулах тэмцээний мэдүүлэгт бүртгүүлэх гадаад тоглогчдын тоонд хязгаар тавихгүй бөгөөд тухайн тэмцээнд талбайд гарах тоглогчийн тоог доорх байдлаар тусгаж өгнө. Үүнд:

- Хөлбөмбөг Дээд лиг 4 (нэг нь заавал Ази тоглогч байна)
- Футзал Дээд лиг 1

4.7 МХБХ-ны мэргэжлийн тэмцээнд гадаад тоглогчийг хаалгачаар бүртгүүлэхгүй.

4.8 Тэмцээний мэдүүлэгт бүртгүүлсэн хаалгач нь цаашид тоглох боломжгүй гэдэг нь нотлогдсон тохиолдолд тэмцээний хугацаанд шинэ хаалгачийг мэдүүлж болно.

4.9. МХБХ-ны Зөвлөлийн гишүүн нь давхар дасгалжуулагч болон албаны хүнээр тэмцээний мэдүүлэгт бүртгүүлэхгүй.

/Энэ заалтыг 2025 оны 03 сарын 01-ний өдрөөс эхлэн дагаж мөрдөнө/.

4.10. Тухайн ангиллын тэмцээний мэдүүлэгт багийн албаны хүн тоглогчоор давхар бүртгүүлэхгүй.

4.11. Тэмцээнд оролцох эрхийн хураамжийг зааварт заасан хугацаанд МХБХ-ны Санхүүгийн хэлтэст тушаана.

4.12. МХБХ-ны мэргэжлийн тэмцээнүүдэд клубийн албаны хүмүүс болон тоглогч нар мандаттай байна. Мандатгүй ирсэн тохиолдолд тогтолтод оролцуулахгүй.

Тав. Тэмцээний дүн гаргалт

- 5.1 Тэмцээнд тоглолтын дүнг энэ зүйлд заасан аргачлал, дарааллын дагуу тооцон гаргана.
- 5.2 Хоёр ба түүнээс дээш багууд ижил оноотой болсон тохиолдолд дараах шалгуураар тодруулна. Үүнд:
- 1) Хоорондын тоглолтын дүнгээр;
 - 2) Хоорондын тоглолтын бөмбөгний зөрүүгээр;
 - 3) Хоорондын тоглолтын оруулсан бөмбөгний ихээр;
 - 4) Багууд талбайд байвал торгуулийн цохилтоор;
 - 5) Багууд талбайд байхгүй бол Fair Play оноо тодруулах зарчмаар;
 - 6) Шодолтоор.
- 5.3 Fair Play оноог дараах байдлаар гаргана:
- 1) Шар хуудас тус бүр 1 оноо,
 - 2) Шууд бус улаан хуудас / 2 шар хуудас/ тус бүр 3 оноо,
 - 3) Шууд улаан хуудас 3 оноо,
 - 4) Шар хуудас авсны дараах шууд улаан хуудас 4 оноо.

Хамгийн бага оноотой баг нь өндөр оноотой багаасаа дээр бичигдэнэ.

- 5.4 Тэмцээний хасагдах шатны тоглолтын дүн тэнцсэн тохиолдолд:

Клубүүд хоорондоо 1 тоглолттой үед:

- 1) Нэмэлт цаг сунгана,
- 2) 11 метрийн торгуулийн цохилтоор шийдвэрлэнэ.

Клубүүд хоорондоо 2 тоглолттой үед:

- 1) Бөмбөгний харьцаа;
- 2) Зочин багийн голын дүрэм үйлчлэхгүй. Бөмбөгний зөрүүгээр ялагч баг тодорно.
- 3) Нэмэлт цаг;
- 4) 11 метрийн торгуулийн цохилтоор шийдвэрлэнэ

- 5.5 Тэмцээний дүн гаргалт болон чансаа тогтоох аргачлалтай холбоотой мэдээллийг хавсралтаар оруулав /Хавсралт 6/.

Зургаа. Лигээс унах ба дэвших

- 6.1 Клуб нь лигт оролцох эрхийг тухайн лигт амжилттай тоглож үлдэх эсвэл лигт дэвших зарчмаар олж авна.
- 6.2 Лиgт тухайн тэмцээний зааварт тусгасан тооны мэргэжлийн клубүүд оролцено.
- 6.3 Дээд лигийн тэмцээний төгсгөлд хамгийн бага оноотой клуб Нэгдүгээр лиг рүү унана. Харин Нэгдүгээр лигт түрүүлсэн клуб Дээд лигт шууд дэвшин орох эрхтэй.
- 6.4 Дээд лигт нэмэлт тоглолт (дээд лигийн хүснэгтэд сүүлээсээ хоёрт орсон клуб, нэгдүгээр лигээс дэвших клубтэй хийх тоглолт)-оор орж ирэх клубыг дараах зарчмаар оруулна. Үүнд:
- 1) Хоёр тоглолтын нийлбэр дүнгээр ялагч баг тодорно.
 - 2) Зочин багийн голын дүрэм үйлчлэхгүй. Бөмбөгний зөрүүгээр ялагч баг тодорно.

- 3) Хэрэв хоёр тоглолтын дараа 2 багийн бөмбөгний харьцаа тэнцсэн тохиолдолд нэмэлт цаг сунгана.
- 4) Хэрэв нэмэлт цагт ялагч тодрохгүй тохиолдолд торгуулийн цохилтоор ялагч багийг тодруулна.
- 5) Доод лигийн клуб эхний тоглолтын эзэн багаар тоглоно.
- 6) Дээд лигийн клуб хариу тоглолтын эзэн багаар тоглоно.
- 6.5 Дээд лигт тоглох эрхтэй баг нэрээ өөрчлөх тохиолдолд тус өөрчлөлт нь МХБХ-ны клуб лицензжүүлж журмын шаардлагад нийцсэн байна.
- 6.6 Дээд лигт 2 ба түүнээс дээш тооны багууд тодорхой шалтгааны улмаас оролцох боломжгүй болсон тохиолдолд Тэмцээн Зохион Байгуулах Хороо болон Техник Хөгжлийн Хорооны саналыг үндэслэн Лигийн Зөвлөл, МХБХ-ны Зөвлөл тэмцээнийг хэрхэн зохион байгуулах талаар шийдвэр гаргана.
- 6.8 АХБХ-ны "AFC Cup" тэмцээнд зөвхөн МХБХ-ны Дээд лигийн аварга баг оролцох эрхтэй.
- Долоо. Тэмцээний шагнал урамшуулал**
- 7.1 Тэмцээнд шилдэг багуудыг шалгаруулж, багт өргөмжлөл, тоглогчдод батламж, медаль, мөнгөн шагнал олгоно.
- 7.2 Тухайн тэмцээний шагнал, урамшуулал, медалийн тоо, шилдгүүдийг шалгаруулах эсэхийг тэмцээний зааварт нарийвчлан тусгана.
- 7.3 Тэмцээнд оролцож байгаа багийн тооноос хамаарч хэдэн баг шагнахыг Тэмцээн зохион байгуулах хэлтэс шийдвэрлэнэ.
- 7.4 Монгол Улсын хувь хүний орлогын албан татварын тухай хуульд заасны дагуу нийт шагналын сангийн 5 хувийг суутган тооцож, татварын байгууллагад шилжүүлнэ.
- Найм. Бусад зүйл**
- 8.1 Клубын дасгалжуулагч, менежер, багийн ахлагч, эмч зэрэг албаны хүмүүс нь өөрийн ажил, үүргээ ухамсарлаж хариуцлага хүлээх чадвартай байна. Албаны хүн нь давхар үүрэг гүйцэтгэхгүй /жишээ нь багийн менежер дасгалжуулагчийн үүргийг гүйцэтгэхгүй/.
- 8.2 Клубууд тоглолтод оролцохдоо өөрийн эмчтэй оролцоно. Эмчгүй тохиолдол тус бүрт клубыг 300,000 төгрөгөөр тorgono.
- 8.3 Дээд лигийн тоглолтод ахлах дасгалжуулагч эсвэл туслах дасгалжуулагчгүй оролцсон зөрчил гаргасан тохиолдолд тухайн багийг 200,000 төгрөгөөр тorgono. Тус торгуулийг тэмцээний дараагийн тоглолтоос өмнө заавал төлсөн байна. Хэрэв тус баг нь хоёр дахь удаа дээрх зөрчлийг гаргасан тохиолдолд 400,000 төгрөг, харин гурав дахь удаа давтан үйлдсэн тохиолдолд 600,000 төгрөг болон -3 оноогоор шийтгэнэ.
- 8.4 МХБХ-ны Дээд лиг, МХБХ-ны Цом тэмцээнүүдэд хамгаалалт ажиллуулна. Гэрээт хамгаалалтын алба нь МХБХ-ны Тэмцээн Зохион Байгуулах Хэлтсийн удирдлага дор ажиллана.

- 8.5 Хэвлэл мэдээлэл болон маркетингийн үйл ажиллагаа нь “МХБХ-ны Цэнгэлдэх Хүрээлэнгийн Журам”-аар нарийвчлан зохицуулагдана.
- 8.6 Тэмцээнтэй холбоотой үүссэн сахилгын болон ёс зүйн аливаа асуудал нь МХБХ-ны Сахилгын дүрэм, Ёс зүйн дүрмийн дагуу зохицуулагдана.
- 8.7 Энэхүү журамд дараах хавсралтууд багтсан болно. Үүнд:
- 1) ТЗБЖ Хавсралт 1 Дасгалжуулагчид тавигдах шаардлага;
 - 2) ТЗБЖ Хавсралт 2 Тэмцээнд мөрдөх албан ёсны цаг;
 - 3) ТЗБЖ Хавсралт 3 Тэмцээний мэдүүлэг;
 - 4) ТЗБЖ Хавсралт 4 Эрүүл мэндийн хуудас;
 - 5) ТЗБЖ Хавсралт 5 Хувцасны өнгө;
 - 6) ТЗБЖ Хавсралт 6 Дүн гаргалт болон чансаа тогтоох аргачлал.
- 8.8 Энэхүү журамд нэмэлт, өөрчлөлт оруулахдаа санал гаргах эрх бүхий субъектээс албан бичгээр хүлээн авч дараах үе шатаар дамжуулан шийдвэрлэнэ. Үүнд:
- 1) Албан бичгийг Тэмцээн Зохион Байгуулах хэлтэс хүлээн авна.
 - 2) Техникийн хэлтэст шилжүүлэн саналыг авна.
 - 3) Техник Хөгжлийн Хороо, Тэмцээн Зохион Байгуулах Хороо хамтран хэлэлцэж шийдвэр гаргана.
 - 4) Зөвлөлийн хурлаар хэлэлцэж батлагдана.
- 8.9 Тус журам нь батлагдсан өдрөөс хүчин төгөлдөр болох бөгөөд 2024 онд шинээр эхлэх тэмцээнүүдээс эхлэн хэрэгжинэ.





ТЭМЦЭЭНД АЖИЛЛАХ ДАСГАЛЖУУЛАГЧИЙН ШААРДЛАГА

1. Тэмцээнд клуб нь ахлах, туслах, хаалгачийн дасгалжуулагчтай оролцохыг шаардана.
2. Зөвхөн хаалгач нь хаалгачийн дасгалжуулагчаар багийн мэдүүлэгт давхар бүртгүүлж болно.
3. Клуб нь 2025-2026 оны улирлаас эхэлж фитнесс дасгалжуулагчтай оролцоно.
4. Тэмцээнд мэргэжлийн дасгалжуулагч ажиллах бөгөөд бусад тэмцээнд дасгалжуулагчаар давхар ажиллаж болох эсэхийг "АХБХ-ны Дасгалжуулагчийн Конвенцийн Журам"-ыг үндэслэн Техникийн хэлтэс шийдвэрлэнэ.
5. МХБХ-ны Техникийн хэлтэс нь тоглолтод оролцох дасгалжуулагчийн лицензийг олгох, шалгах, сануулах, түдгэлзүүлэх арга хэмжээг авах эрхтэй.
6. Тэмцээнүүдэд дасгалжуулагч нь дараах шаардлагыг хангасан хүчин төгөлдөр лицензтэй байна. Үүнд:

№	Ажиллах баг	Ахлах дасгалжуулагч	Туслах дасгалжуулагч	Хаалгачийн дасгалжуулагч
1	Талбайн Дээд Лиг	АХБХ "А" ба түүнээс дээш	АХБХ "В" ба түүнээс дээш	АХБХ Хаалгач "1" 2024-2025 он
2	Эмэгтэйчүүдийн Лиг	АХБХ "А" ба түүнээс дээш	АХБХ "В" ба түүнээс дээш	АХБХ Хаалгач "1" 2025 он
3	Футзалын Дээд Лиг	АХБХ-ны 2-р зэрэглэл ба түүнээс дээш	"АХБХ-ны 1-р зэрэглэл" ба түүнээс дээш	АХБХ Футзалын хаалгач "1" 2026 он

7. МХБХ-ны талбайн тэмцээнүүдэд ажиллах гадаад дасгалжуулагч хамгийн багадаа АХБХ-ны "А" болон түүнээс дээш зэрэглэлтэй, АХБХ-ны "А" болон түүнээс дээш зэрэглэлтэй дүйцэхүйц дасгалжуулагчийн лицензтэй байна. МХБХ-ны футзалын тэмцээнд ажиллах гадаад дасгалжуулагч нь "АХБХ-ны 2"-р зэрэглэл болон түүнээс дээш зэрэглэлтэй, "АХБХ-ны 2"-р зэрэглэл болон түүнээс дээш зэрэглэлтэй дүйцэхүйц дасгалжуулагчийн лицензтэй байна.
8. Дасгалжуулагчийн хэн нэг нь тоглолтод оролцох боломжгүй тохиолдолд тухайн клуб нь хамгийн багадаа тоглолтоос 24 цагийн өмнө МХБХ-ны Техникийн хэлтэс болон Тэмцээн зохион байгуулах хэлтэст албан хүсэлт илгээсэн байна. Техникийн хэлтэс тус тайлбарыг үндэслэлтэй гэж үзсэн тохиолдолд дасгалжуулагчийг тоглолтоос чөлөөлж болно. Харин түүний оронд тус клуб нь өсвөрийн багаасаа лицензтэй туслах дасгалжуулагчийг ажиллуулна.



Хаевралт 2.

Албан ёсны мөрдөх цаг /Жишиг загвар/

Тоглолт		ҮНДЭСНИЙ ДЭЭД ЛИГ	
A Баг		Б баг	
Стадион	МХБХ	Тоглолтын дугаар	
Огноо		Цаг	10:00

Мөрдөх цаг	Үйл ажиллагааны дараалал	Цаг
- 02:00'	Хянагч шүүгч болон шүүгч нар талбайд ирэх	08:00
- 01:30'	Багууд тоглолт болох газар ирсэн байна	08:30
- 01:20'	Мандат хувцасны шалгалт	08:40
- 01:10'	Тоглолтын гарцааны жагсаалтыг бэлэн болгож тараах	08:50
- 50'	Тоглогчид, хаалгачид бие халаалтанд гарах	09:10
- 30'	Гарааны бүрэлдэхүүнийг зарлах	09:30
- 20'	Бие халаалт дуусах	09:40
- 10'	Албаны хүмүүс болон сэлгээний тоглогчид гарах	09:50
- 8'	Гарааны тоглогчид коридорт бэлэн байх	09:52
- 7'	Шүүгчийн шалгалт	09:53
- 4'	Шүүгч нар болон тоглогчид талбайд гарах	09:56
- 3'	Тоглогчид зураг авуулах, шодох	09:57
- 0'	Тоглолт эхлэх	10:00



Хавсралт 3.

МОНГОЛЫН ХӨЛБӨМБӨГИЙН ХОЛБОО

ЛУЧШИЕ



"....." КЛУБЫН МЭДҮҮЛЭГ.

ЖУРНАЛ

1

ТЭМШЭН

/ ТЭМЦЭЭНИЙ НЭР/

ТӨГЛӨГЧДҮН МЭДҮҮЛЭГ

СҮҮЛИЙН З САРД АВАХОУЛСАН ЦЭВЖК ЗУРАГ	СВОГ	
	ИЭР	
	ГАДЛАД ПАССПОРТ	
	РЕГИСТРЫН ДУГААР	
	ТӨВСЭН ОН САР ЕДВЕР	
	ХӨВИЙН ДУГААР	
		ЭНДЭР
		ЖИН
		БАЙРЛАЛ

СҮЛМЭН З САРД АВАХОУЛСАН ЦЭЭЖ ЗУРАГ	ОВОГ ИЭР ГАДЛАД ПАССПОРТ РЕГИСТРЫН ДУГААР ТӨРСЭН ОН САР ВДВР ХУВИЙН ДУГААР	
		АНДАР
		ЖИН
		БАЙРЛАЛ

СУУЛИЙН З САРД АВАХОУЛСАН ЦЭЭЖ ЗУРАГ	ОВОГ ИЭР ГАДААД ПАСПОРТ РЕГИСТРЫН ДУГААР ТӨРСЭН ОН САР БДР ХУВИЙН ДУГААР		
		ӨНДВР	
		ЖИН	
		БАЙРЛАЛ	

СҮЛГИЙН З САРД АВАЮУЛСАН ЦЭВЖК ЗУРАГ	ОВОГ			
	НЭР			
	ГАДААД ПАССПОРТ			
	РЕГИСТРЫН ДУГААР			
	ТӨРСӨН ОН САР ӨДВР			
	ХУВИЙН ДУГААР	ОНДАР	ЖИН	БАЙРЛАЛ

ОВОГ
НЭР
ГАДААД ПАСПОРТ

Хавсралт 4



МОНГОЛЫН ХӨЛБӨМБӨГИЙН ХОЛБОО

№	ТОГЛОГЧИЙН НЭРС	ҮЗЛЭГТ ОРСОН ОГНОО	ЭМЧИЙН ТЭМДЭГЛЭЛ	ГЭНЭТИЙН ОСЛЫН ДААТГАЛД ХАМРАГДСАН ЭСЭХ	
				ТИЙМ	ҮГҮЙ
1					
2					
3					
4					
5					
6					
7					
8					
9					
10					
11					
12					
13					
14					
15					
16					
17					
18					
19					
20					
21					



МОНГОЛЫН ХӨЛБӨМБӨГИЙН ХОЛБОО

ТЭМЦЭЭНИЙ НЭР: [REDACTED]

ХУВЦАСНЫ ӨНГӨ


ОРОЛЦОГЧ БАГ:

ХУВЦАСНЫ ӨНГИЙГ БИЧИК БОЛОН БУДАЖ ӨГНЭ Үү.

ЧАДСАН ӨМСГӨЛ

ТАЛБАЙН ТОГЛОГЧ


НЕВЦ ӨМСГӨЛ



ӨМСГӨЛ

ШОРТ

ОЙМС



ХААЛГАЧ



ӨМСГӨЛ

ШОРТ

ОЙМС



ДООРХИ ХУГАЦААНЫАС ОННО ТЭСХӨЛТЭСТ ӨГНЭ ҮҮ.

[REDACTED]



Хавсралт 6

Дүн гаргалт болон Чансаа тогтоох аргачлал

1. МХБХ-ны тэмцээнд хэсгийн тоглолтын болон хасагдах шатны дүнг энэ зүйлд заасан аргачлал, дарааллын дагуу тооцон гаргана.

- Fair Play оноо шалгаруулах үзүүлэлтийн хүснэгт;
- Шар хуудас тус бүр 1 оноо
- Шууд бус улаан хуудас / 2 шар хуудас/ тус бүр 3 оноо,
- Шууд улаан хуудас 3 оноо,
- Шар хуудас авсны дараах шууд улаан хуудас 4 оноо.

Хамгийн бага оноотой баг нь өндөр оноотой багаасаа дээр бичигдэнэ.

2. Хоёр ба түүнээс дээш багууд ижил оноотой болсон тохиолдолд дараах шалгуураар тодруулна. Үүнд:

- Хоорондын тоглолтын дүнгээр;
- Хоорондын тоглолтын бөмбөгний зөрүүгээр;
- Хоорондын тоглолтын оруулсан бөмбөгний ихээр;
- Хэсгийн бүх тоглолтын бөмбөгний зөрүүгээр;
- Хэсгийн бүх тоглолтын оруулсан бөмбөгний ихээр;
- Багууд талбайд байвал торгуулийн цохилтоор;
- Багууд талбайд байхгүй бол Fair Play оноо тодруулах зарчмаар;
- Шодолтоор.

3. Тэгш тооны багуудтай хэсгүүдээс хамгийн сайн үзүүлэлттэй багийг шалгаруулахад хэсэг бүрийн хүснэгтийн 2-т буй сайн үзүүлэлттэй багуудыг дараах байдлаар тодруулна. /Хүснэгтийн 2-т байгаа багийг жишээ болгов/. Үүнд:

- Хэсгийн бүх тоглолтоос олсон оноогоор;
- Хэсгийн бүх тоглолтын бөмбөгний зөрүүгээр;
- Хэсгийн бүх тоглолтын оруулсан бөмбөгний ихээр;
- Fair Play оноо тодруулах зарчмаар;
- Шодолтоор.

А Хэсэг

Баг	Тоглолт	Хожил	Тэнцүү	Хожигдол	ОБ	АБ	БЗ	Оноо
A баг	3	2	1	0	3	0	3	7
В баг	3	2	0	1	6	3	3	6
C баг	3	0	2	1	0	3	-3	2
D баг	3	0	1	2	2	5	-3	1

Б Хэсэг

Баг	Тоглолт	Хожил	Тэнцүү	Хожигдол	ОБ	АБ	БЗ	Оноо
E баг	3	3	0	0	4	0	4	9
F баг	3	2	0	1	5	3	2	6
G баг	3	1	0	2	4	4	0	3
H баг	3	0	0	3	1	7	-6	0

Дээрх хүснэгтийн дагуу **B** болон **F** багууд хүснэгтүүдийн 2-т бичигдэж байна.

B болон **F** багууд нь тус бүр 6 оноотой. Иймд (1) заалтаар бол 2 баг ижил 6 оноотой тул (2) заалтын /хэсгийн бүх тоглолтын бөмбөгний зөрүүгээр/ дагуу **B** баг +3 голын зөрөөтэй бол **F** баг +2 голын зөрөөтэй тул **B** баг хамгийн сайн үзүүлэлттэй 2-т бичигдэх багаар тодорно.

4. Тэгш бус тооны багуудтай хэсгүүдээс хамгийн сайн үзүүлэлттэй багийг дараах байдлаар шалгаруулна. /Хүснэгтийн 2-т байгаа багийг жишээ болгов/. Хэсгүүдэд тэгш бус тооны багууд орсон тохиолдолд тоглолтын тоо тэгш бус байна. Иймд хамгийн сайн үзүүлэлттэй багийг тодруулахын тулд багууд ижил тооны тоглолт хийсэн байх шаардлагатай. Дээрх тохиолдолд илүү багтай хэсгийн хамааралтай баг болон сүүлийн багийн тоглолтыг тэглэнэ.

Хэсэг бүрийн 2-т байх сайн үзүүлэлттэй багуудыг дараах байдлаар тодруулна. Үүнд:

- Хэсгийн бүх тоглолтоос олсон оноогоор;
- Хэсгийн бүх тоглолтын бөмбөгний зөрүүгээр;
- Хэсгийн бүх тоглолтын оруулсан бөмбөгний ихээр;
- Fair Play оноо тодруулах зарчмаар;
- Шодолтоор

A Хэсэг

Баг	Тоглолт	Хожил	Тэнцүү	Хожигдол	ОБ	АБ	БЗ	Оноо
A баг	3	2	1	0	3	0	3	7
B баг	3	2	0	1	6	3	3	6
C баг	3	0	2	1	0	3	-3	2
D баг	3	0	1	2	2	5	-3	1

B Хэсэг

Баг	Тоглолт	Хожил	Тэнцүү	Хожигдол	ОБ	АБ	БЗ	Оноо
E баг	4	3	1	0	14	1	13	10
F баг	4	3	0	1	5	2	3	9
G баг	4	1	2	1	5	5	0	5
H баг	4	0	2	2	2	9	-7	2
I баг	4	0	1	3	2	11	-9	1

Дээрх хүснэгтийн дагуу **B** болон **F** багууд хүснэгтүүдийн 2-т бичигдэж байна.

Хамгийн сайн үзүүлэлттэй багийг тодруулахын тулд хэсгийн багуудын тоог тэнцүүлж тус бүр 4 багтай болгоно. Иймд **B** хэсгийн **F** болон **I** багуудын тоглолтыг тэглэнэ.

Жишээ нь **F** баг **I** багийг 3:0 харьцаатайгаар хожсонд тооцоод **F** багаас 3 оноо болон 3 гол хасагдаж дараах байдлаар **F** багийн шинэчлэгдсэн хүснэгт гарна.

Баг	Тоглолт	Хожил	Тэнцүү	Хожигдол	ОБ	АБ	БЗ	Оноо
E баг	4	3	1	0	14	1	13	10
F баг	3	2	0	1	2	2	0	6
G баг	4	1	2	1	5	5	0	5
H баг	4	0	2	2	2	9	-7	2
I баг	0	0	1	3	2	11	-9	0

Эцсийн байдлаар В баг болон F багуудын тооцолол дараах байдлаар гарах ба хамгийн сайн үзүүлэлттэй 2-р байрын багаар В баг +3 гоолийн зөрүүгээр дараагийн шатанд шалгарна.

B баг	3	2	0	1	6	3	3	6
F баг	2	2	0	1	2	2	0	6

5. Хасагдах шатны тоглолтын дүн тэнцсэн тохиолдолд:

Нэг тоглолттой үед:

- 1) Нэмэлт цаг (Тэмцээний онлцогоос хамаарч нэмэлт цаггүй байж болно);
- 2) 11 метрийн торгуулийн цохилтоор шийдвэрлэнэ.

Хоёр тоглолттой үед:

- 3) Бөмбөгний харьцаа;
- 4) Нэмэлт цаг (Тэмцээний онлцогоос хамаарч нэмэлт цаггүй байж болно);
- 5) 11 метрийн торгуулийн цохилтоор шийдвэрлэнэ.

ЧАНСАА ТОГТООХ АРГАЧЛАЛ ДРАФТ.

1. МХБХ нь 2023/2024 оны улирлаас эхэлж Улсын Аварга Шалгаруулах Тэмцээн болон Лигийн тэмцээн зохион байгуулагдсаны дараагаар багуудыг чансаагаар эрэмбэлнэ.

1.1 УАШТ-ий хүрээнд зөвхөн хасагдах шатанд шалгарсан 1–16 хүртэлх байруудын багуудыг эрэмблэнэ.

1.2 Лигийн тэмцээний хүрээнд тухайн зааварт тусгасан багийн тоогоор тэмцээний төгсгөлд хүснэгтийн дагуу эрэмбэлэгдэнэ.

2. Лигт оролцсон багуудын чансааг дараах байдлаар тогтооно. Үүнд:

2.1 Лигийн хүрээнд зохион байгуулагдсан бүх тоглолтын төгсгөлд тэмцээний хүснэгтэд эзэлсэн байрын дагуу эрэмбэлэгдсэн гэж үзнэ.

3. Улсын аварга шалгаруулах тэмцээнд оролцсон багуудын эрэмбийг дараах байдлаар тогтооно. Үүнд:

3.1 Улсын Аварга Шалгаруулах Тэмцээний хасагдах шатны ижил даваанд өрсөлдөж буй багуудын чансааг доорх байдлаар тодруулна.

ЧАНСАА		АРГАЧЛАЛЫГ ДЭЛГЭРЭНГҮЙ БАЙДЛААР
1	Тэмцээний аварга баг нь чансааны нэг дүгээр байранд эрэмбэлэгдэнэ.	
2	Тэмцээний шигшээ тоглолтод ялагдсан баг нь хоёр дугаар байранд эрэмбэлэгдэнэ	
3 – 4	<p>Тэмцээний хүрэл медаль хүртсэн баг нь гурав дугаар байранд эрэмбэлэгдэх ба, тус тоглолтод ялагдал хүлээсэн баг нь дөрөвдүгээр байранд эрэмбэлэгдэнэ.</p> <p>(Зөвхөн МХБХ-ны Цом тэмцээний хагас шигшээд хожигдсон хоёр багууд нь ижил 3-4 дүгээр байранд эрэмбэлэгдэнэ)</p> <p>Хэрэв 3-4 дүгээр байрны тоглолтууд зохион байгуулагдахгүй тохиолдолд, хагас шигшээ шатанд хожигдол авсан багууд дараах байдлаар эрэмбэлэгдэнэ:</p> <ol style="list-style-type: none"> Хагас шигшээ шатанд оруулсан бөмбөгний зөрүүгээр; Хагас шигшээ шатанд оруулсан гоолын ихээр; Шөвгийн наймд оруулсан бөмбөгний зөрүүгээр (боломжтой бол); Шөвгийн наймд оруулсан гоолын ихээр; Шөвгийн арван зургаа шатанд бөмбөгний зөрүүгээр (боломжтой бол); Шөвгийн арван зургаа шатанд оруулсан гоолын ихээр (боломжтой бол); Энэ журмын "Хавсралт 6"-ын 3 болон 4 дэх заалтуудыг баримтална. 	
5 - 8	<p>Зөвхөн шөвгийн наймын тоглолтуудад хожигдол хүлээсэн багууд 5–8 дугаар байрыг эзэлнэ. Тус чансааны багуудыг дараах байдлаар эрэмбэлнэ:</p> <ol style="list-style-type: none"> Шөвгийн найм шатанд оруулсан бөмбөгний зөрүүгээр; Шөвгийн найм шатанд оруулсан гоолын ихээр; Шөвгийн арван зургаад оруулсан бөмбөгний зөрүүгээр (боломжтой бол); Шөвгийн арван зургаад оруулсан гоолын ихээр; Энэ журмын "Хавсралт 6"-ын 3 болон 4 дэх заалтуудыг баримтална. 	
9 - 16	<p>Зөвхөн шөвгийн арван зургаа дугаар шатанд хожигдол хүлээсэн багууд 9–16 дугаар байрыг эзэлнэ. Тус чансааны багуудыг дараах байдлаар эрэмбэлнэ:</p> <ol style="list-style-type: none"> Шөвгийн арван зургаа дугаар шатанд оруулсан бөмбөгний зөрүүгээр; Шөвгийн арван зургаа дугаар шатанд оруулсан гоолын ихээр; Энэ журмын "Хавсралт 6"-ын 3 болон 4 дэх заалтуудыг баримтална. 	

Тэмдэглэл*

Хасагдах шатны тоглолтод хожигдсон тохиолдолд дараах байдлаар эрэмбэлнэ. Үүнд:

- Үндсэн цагийн үр дүнгээр эрэмбэлнэ.
- Хэрэв нэмэлт цаг сунгах заавартай тэмцээн бол "Extra Time"-ын үр дүнгээр эрэмбэлнэ.
- Хэрэв 1 болон 2 дугаар заалтуудад тэнцсэн хэвээр байх тохиолдолд чансаа тогтоох эрэмбийн аргачлалаар бодно.

Жишээ 1: (Үндсэн цагт тэнцсэн тохиолдолд)

ШӨВГИЙН 8-ИЙН ЭРЭМБЭ			X/Г	A/Г	B/З
5	А БАГ	4-5 харьцаатайгаар Торгуулийн цохилтоор хожигдсон (үндсэн цагт 0-0, 1-1 тэнцэж/ 1-1 нэмэлт цагт тэнцсэн)	1	1	0
6	Б БАГ	1-3 харьцтайгаар нэмэлт цагт хожигдсон (0-0 ,1-1)	1	3	-2
7	В БАГ	Үндсэн цагт 0-1 харьцаатайгаар хожигдсон	0	1	-1

8	Г БАГ	Үндсэн цагт 0-2 харьцаатайгаар хожигдсон	0	2	-2
---	-------	--	---	---	----

Жишээ 2: (“Extra-Time” -ын үр дүн тэнцсэн тохиолдолд)

ШӨВГИЙН 8-ИЙН ЭРЭМБЭ			X/Г	A/Г	B/З
5	А БАГ	4-5 харьцаатайгаар Торгуулийн цохилтоор хожигдсон (үндсэн цагт 0-0, 1-1 тэнцэж/ 1-1 нэмэлт цагт тэнцсэн)	1	1	0
6	Б БАГ	1-3 харьцаатайгаар нэмэлт цагт хожигдсон (0-0 ,1-1)	1	3	-2
7	В БАГ	Үндсэн цагт 0-1 харьцаатайгаар хожигдсон	0	1	-1
8	Г БАГ	Үндсэн цагт 0-2 харьцаатайгаар хожигдсон	0	2	-2